

DaVinci & Vajana, 5/7j.



suchet zäme es nöiis Daheime mit Freigang bis ends Januar

Liebi Tierfründe

Mir sy dr DaVinci u d'Vajana u müesset Dir ganz schnäu öppis verzälle: mir suechet ganz ganz dringänd nöiie Doseöffner u es nöiies Daheime. Warum? Üsi Bsitzer gäng End Januar uff e grossi Reis, da chönnet mir (u wönnt mir ou nid) mit. Mir wönnt üs liebr hier verwöhne lasse statt duurend ummezreise. Drum!

Mir sy Muetter u Sohnmah, 7 u 5jährig, kaschtriert, gimpft, chippet, gsung, stuberein, verschmuest, sähr mönschebezoge u guet erzoge. Mir wüeset üs z'bnäh. D'Muetter Vajana isch sähr zutroulich u nöigiirig. U sy liebt Tierarztbsueche, git's doch dört immr es Läckeri! Ihre Sohn dr DaVinci isch eher dr Schüechi, abr dominant. Sy Vattr isch e Maincoon, das erklärt ou syni 7 Kilo «Champfgwicht». Abr er isch en sähr en Liebr. Dr Doc het bi ihm emou es Härzgrüesch fäschtgschtäut, mer muess abr nüt mache, nur beobachte. DaVinci isch fit wie en Turnschuh.

Mir chenne u wönnt ou widr Freigang i verchehrsarmer Umgäbig. U mir wüesche üs wieder so liebe Lüüt um üs umme wie graad ebe, solche, die wo nach üs luege u üs liebhave. Ohni chliini Ching, Hung u angeri Chatze im Huushaut. Grösseri Ching so ab 10i sy cheis Problem. Wohnsch Du verchehrsberuhigt u hesch Du vielliicht ou no en Garte? ÜSEN Garte? U es Törli zum inne- u ussegah? U hesch Du Geduud, vor auem mit'm DaVinci, der isch doch aafangs no ziemlech schüech? Suechsch Du zwöi liebi Büseli zum Verwöhne? Bisch Du grad früsch pensioniert odr sunscht oft dihei u hesch viu Ziit? Ziit für üs? Ja? Ou ja, denn chönnt das üses nöiie Daheime si, denn müesste mir üs unbedingt lehre chenne. Mir wohne im Moment no z'Konolfingen/BE, zügale aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. S'pressiert es bitzeli, ends Januar geht die Reis scho los u denn müesstet mir is Heim. Das wönnt mir abr liebr nid.

Dini DaVinci & Vajana



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch